

Broj: 03-11-1468/2021
Sarajevo, 31.03.2022. godine

Primljeno: 31-03-2022			
Org. jed.	Broj	Priloga	Vrijednost
02-	11-	2523/21	

60x

PARLAMENT FEDERACIJE
BOSNE I HERCEGOVINE

- Dom naroda
gosp. Tomislav Martinović, predsjedavajući

VRLO HITNO

PREDMET: Izjašnjenje Vlade Federacije Bosne i Hercegovine o amandmanima na Prijedlog Budžeta Federacije Bosne i Hercegovine za 2022. godinu

Poštovani,

U skladu sa članom IV.B.3.7.c) (IV) Ustava Federacije BiH, a u vezi sa odredbama člana 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), u prilogu Vam dostavljam **Izjašnjenje o amandmanima na Prijedlog Budžeta Federacije Bosne i Hercegovine za 2022. godinu**, koje su u Domu naroda Parlamenta Federacije BiH podnijeli: Dragana Damjanović i Nikica Bosnić, delegati (1 amandman), Alisa Hajdarović, delegatkinja u Domu naroda i grupa poslanika u Predstavničkom domu Parlamenta Federacije BiH (1 amandman), Jasmin Duvnjak i Ivo Tadić, delegati (2 amandmana) i Ramo Isak, delegat (1 amandman), a koje je Vlada Federacije Bosne i Hercegovine utvrdila na 249. hitnoj sjednici, održanoj 31.03.2022. godine.

S poštovanjem,



PREMIJER

Fadil Novalić

Prilog: kao u tekstu

Cc: Federalno ministarstvo finansija -
Federalno ministarstvo financija
gđa Jelka Milićević, ministar

Na osnovu člana 73. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa odredbama člana 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), nakon razmatranja amandmana na Prijedlog Budžeta Federacije Bosne i Hercegovine za 2022. godinu, koje su u Domu naroda Parlamenta Federacije BiH podnijeli delegati: Dragana Damjanović i Nikica Bosnić, delegati (1 amandman), Alisa Hajdarović, delegatkinja u Domu naroda i grupa poslanika u Predstavničkom domu Parlamenta Federacije BiH (1 amandman), Jasmin Duvnjak i Ivo Tadić, delegati (2 amandmana) i Ramo Isak, delegat (1 amandman), Vlada Federacije Bosne i Hercegovine je, na 249. hitnoj sjednici, održanoj 31.03.2022. godine, utvrdila sljedeće:

IZJAŠNJENJE

o Amandmanu na Prijedlog Budžeta Federacije Bosne i Hercegovine za 2022. godinu, kojeg su podnijeli Dragana Damjanović i Nikica Bosnić, delegati u Domu naroda Parlamenta Federacije BiH

AMANDMAN

Na razdjelu 23 - Federalno ministarstvo prostornog uređenja, Glava 615 - Kapitalni transferi, Ekonomski kod 6151 - kapitalni transferi drugim nivoima vlasti i fondovima - Učešće Vlade Federacije BiH u sufinansiranju kantonalnih i lokalnih zajednica - zaštita nacionalnih spomenika, predviđena u iznosu od 1.540.000 KM umanjiti za 1.000.000 KM i na istom ekonomskom kodu predvidi posebna stavka - Rehabilitacija Spomenika poginulim borcima i žrtvama fašističkog terora 1941-1945. u Drvaru, u iznosu od 1.000.000 KM.

IZJAŠNJENJE

Amandman se ne prihvata **Obrazloženje**

Predlagač u okviru amandmana nije precizirao razdjele, odnosno glave u Budžetu Federacije Bosne i Hercegovine na čijim ekonomskim kodovima bi bilo izvršeno navedeno povećanje/umanjenje sredstava, iz čega proizilazi da je uloženi amandman tehnički neispravan, zbog čega isti nije moguće realizovati.

IZJAŠNJENJE

o Amandmanu na Prijedlog Budžeta Federacije Bosne i Hercegovine za 2022. godinu, kojeg su podnijeli Alisa Hajdarović, delegatkinja u Domu naroda i grupa poslanika u Predstavničkom domu Parlamenta Federacije BiH

AMANDMAN

- Kapitalni transferi drugim nivoima vlasti i fondovima - za izgradnju Hrvatskog narodnog kazališta Mostar - Umanjiti iznos za 2 000 000,00 KM
- Kapitalni transferi drugim nivoima vlasti i fondovima - Izgradnja sportske dvorane Mostar - Umanjiti iznos za 3 500 000,00 KM

- Kapitalni transferi drugim nivoima vlasti i fondovima - Izgradnja bazena Mostar - Umanjiti iznos za 8 000 000,00 KM

Na poziciji ekonomski kod 6151 tekući transferi drugim nivoima vlasti.
Kapitalni projekti Grad Mostar 13 500 000,00 KM

IZJAŠNENJE
Amandman se ne prihvata
Obrazloženje

Predlagač u okviru amandmana nije precizirao razdjele, odnosno glave u Budžetu Federacije Bosne i Hercegovine na čijim ekonomskim kodovima bi bilo izvršeno navedeno povećanje/umanjenje sredstava, iz čega proizilazi da je uloženi amandman tehnički neispravan, stoga isti nije moguće realizovati.

IZJAŠNENJE
o amandmanima na Prijedlog Budžeta Federacije Bosne i Hercegovine za 2022. godinu,
koje su podnijeli Jasmin Duvnjak i Ivo Tadić, delegati u Domu naroda Parlamenta
Federacije BiH

AMANDMAN I

U Prijedlogu Budžeta Federacije Bosne i Hercegovine za 2022. godinu, na razdjelu 16, glava 1601 - Federalno ministarstvo finansija, ekonomski kod 6155 - Kapitalni transferi privatnim preduzećima i poduzetnicima - Japanski grant - 2 KR umanjiti iznos za 645.000,00 KM.

Navedena sredstva usmjeriti na sljedeći način:

U Prijedlogu Budžeta Federacije Bosne i Hercegovine za 2022. godinu, na razdjelu 52, glava 5201 - Federalno ministarstvo kulture i sporta,

ekonomski kod 6143 - Tekući transferi neprofitnim organizacijama – Kulturno društvo "Prosvjeta", povećati na iznos od 150.000,00 KM;

ekonomski kod 6143 - Tekući transferi neprofitnim organizacijama – Kulturno društvo "Preporod", povećati na iznos od 500.000,00 KM;

ekonomski kod 6143 - Tekući transferi neprofitnim organizacijama – Kulturno društvo "Napredak", povećati na iznos od 340.000,00 KM i

ekonomski kod 6143 Tekući transferi neprofitnim organizacijama – Kulturno društvo "Benevolencija", povećati na iznos od 60.000,00 KM.

AMANDMAN II

U Prijedlogu Budžeta Federacije Bosne i Hercegovine za 2022. godinu, na razdjelu 16, glava 1601 - Federalno ministarstvo finansija, ekonomski kod 6155 - Kapitalni transferi privatnim preduzećima i poduzetnicima - Japanski grant - 2 KR umanjiti iznos za 450.000,00 KM.

Navedena sredstva usmjeriti na sljedeći način:

U Prijedlogu Budžeta Federacije Bosne i Hercegovine za 2022. godinu, na razdjelu 51, glava 5101 - Federalno ministarstvo rada i socijalne politike, otvoriti nove ekonomske kodove i to:

6143 - Tekući transferi neprofitnim organizacijama - Muslimansko dobrotvorno društvo "Merhamet" u iznosu od 250.000,00 KM;

6143 - Tekući transferi neprofitnim organizacijama - Caritas Vrhbosanske nadbiskupije u iznosu od 75.000,00 KM;

6143 - Tekući transferi neprofitnim organizacijama - Caritas biskupije Mostar - Duvno i Trebinje - Mrkan u iznosu od 75.000,00 KM;

6143 - Tekući transferi neprofitnim organizacijama - Srpsko humanitarno udruženje "Dobrotvor" u iznosu od 50.000,00 KM.

IZJAŠNENJE
Amandmani I i II se prihvataju
OBRAZLOŽENJE

Imajući u vidu da je Vlada Federacije Bosne i Hercegovine prihvatila amandmane na Prijedlog Budžeta Federacije Bosne i Hercegovine za 2022. godinu u istovjetnom tekstu koje je podnio Klub poslanika SDA i Klub Hrvatske demokratske zajednice BiH-HDZ-HNS u Predstavničkom domu Parlamenta Federacije BiH, predloženi amandmani se prihvataju. Vlada Federacije Bosne i Hercegovine stava je da predložena izmjena omogućava dobrotvornim društvima finansiranje humanitarnih projekata iz njihovih programskih aktivnosti i stava je da se predložena sredstva po ekonomskim kodovima planiraju na razdjelima 51, glava 5101 – Federalno ministarstvo rada i socijalne politike i 52, glava 5201 – Federalno ministarstvo kulture i sporta.

IZJAŠNENJE
o Amandmanu na Prijedlog Budžeta Federacije Bosne i Hercegovine za 2022. godinu,
kojeg je podnio Ramo Isak, delegat u Domu naroda Parlamenta Federacije BiH

AMANDMAN

Poziciju ekonomski kod 6151 - Kapitalni transferi drugim nivoima vlasti i fondovima – za izgradnju Hrvatskog narodnog kazališta Mostar umanjiti za iznos od 2.000.000 KM, te dodati novu poziciju Kapitalni transferi drugim nivoima vlasti i fondovima – za izgradnju zatvorenog Olimpijskog bazena u Mostaru.

IZJAŠNENJE
Amandman se ne prihvata
Obrazloženje

Predlagač u okviru amandmana nije precizirao razdjele, odnosno glave u Budžetu Federacije Bosne i Hercegovine na čijim ekonomskim kodovima bi bilo izvršeno navedeno povećanje/umanjenje sredstava, iz čega proizilazi da je uloženi amandman tehnički neispravan, zbog čega isti nije moguće realizovati.

V. broj: 425/2022
31.03.2022. godine
Sarajevo



PREMIJER
Fadil Novalić
Fadil Novalić